

光緒扶溝縣志卷之七

知縣熊 燦纂修

典禮志

朝賀 秩祀 迎春 日月食
朔望 鄉飲 養老 賔興

升歌合樂載在禮經登降周旋詔諸擯相庶幾庠籩里豆彬
彬乎有三代之風矣學者幸際休明習儀以亟敢數典而忘

諸志典禮

朝賀

萬壽聖節 元旦 長至知縣率僚屬於五更時赴天甯寺供
奉

扶溝縣志

卷之七 朝賀

一

龍牌處就班行三跪九叩首禮退班

迎接 詔書

詔書到時知縣率僚屬整

龍亭彩輿儀仗鼓樂出東門於迎春廟前肅迎

詔書安置

龍亭中衆官及鼓樂前導賚使隨

龍亭後行至縣署衆官先趨入文武分東西序立跪候

龍亭至公庭中賚使立

龍亭之東西向文武官行三跪九叩首禮賚使捧

詔書授捧

詔生捧

詔生跪受詣開讀案前展讀生宣讀衆官跪宣讀畢展讀生授捧

詔生捧授知縣知縣捧置

龍亭中衆官行三跪九叩首禮起鼓樂恭送大門外貼照壁曉諭百姓

秩祀

社稷

扶溝縣志

卷之七

秩祀

二

大清通禮直省府州縣各建

社稷皆

社右

稷左異位同

壇歲以春秋仲月上戊日致祭省會以總督若巡撫一人主之有故則布政使攝事在城文武官縣丞千總以上咸與祭眡割牲省齋盛以道員等官糾儀以教授訓導司香司帛司爵司祝司饌以丞倅通贊引贊引班以學弟子員嫻禮儀者充之前期主祭官暨陪祭執事官各於公廡致齋三日掃除

壇壝內外祭之前夕掌饌潔備品物置案於

神厨設香燭眡割牲官公服詣案前上香行三叩禮畢宰人牽牲告膾遂割牲以豆取毛血瘞於坎及祭之日雞初鳴執事人入設案一於

壇上正中北向陳礪二實和羹簋二實稻梁簋二實黍稷籩四實形鹽棗栗鹿脯豆四實菁苴鹿醢芹苴兔醢若不能備各就土所有以其類充案前設俎陳羊一豕一又前設香案一陳祝文香盤鑪鐙左設一案東向陳筐一實帛二尊一爵六又設福胙於尊爵之次司祝一人司香帛二人司爵二人位案東西面

扶溝縣志

卷之七

秩祀

三

階下之東設洗當階爲主祭官拜位其後爲陪祭官拜位文東

武西

班與外朝
賀禮同

通贊二人位階下左右糾儀官二人分位陪祭

官左右均東西面漏未盡主祭官及陪祭官朝服畢集

壇外引贊二人引省盥官入

壇徧眡牲器酒齊饌者告潔退左右引班二人引陪祭官入東西序立東班西面西班東面引贊二人引主祭官入至階下盥手通贊贊執事者各司其事贊就位引贊引主祭官引班引陪祭官皆就拜位立贊迎

神引主祭官升詣香案前跪司香跪奉香主祭官三上香興贊

復位引主祭官降階復位立贊跪叩興主祭官暨陪祭官行三跪九叩禮贊初獻引主祭官升詣

神位前跪司帛跪奉篚主祭官受篚恭獻仍授司帛興奠於案司爵跪奉爵主祭官受爵恭獻仍授司爵興分詣

社

稷位前各奠正中皆退贊讀祝引主祭官詣香案前跪陪祭官皆跪司祝三叩興奉祝文跪於右讀曰維某年月日某官某致祭於

社

扶溝縣志

卷之七

秩祀

四

稷之神曰惟

神奠安九土粒食萬邦分五色以表封圻育三農而蕃稼穡恭承守土肅展明禋時屆仲春敬修祀典庶丸丸松栢鞏磐石於

無疆翼翼黍苗佐神倉於不匱尙

饗讀畢三叩興以祝文復於案退贊叩興主祭官暨陪祭官三叩興贊復位引主祭官降階復位立贊亞獻引主祭官升詣神位前獻爵於左贊終獻獻爵於右均如初獻儀贊

賜福胙引主祭官升詣香案前跪司爵跪進福酒於右主祭官受爵拱舉司爵接爵興司饌跪進豆肉於左主祭官受豆拱舉

司饌接豆興各退贊叩興主祭官三叩興贊復位引主祭官復位立贊送

神贊跪叩興主祭官暨陪祭官行三跪九叩禮贊徹饌執事官徹饌贊瘞祝帛執事官奉祝次香次帛次饌詣瘞所禮畢各退

監司分駐各府者各主其地

社稷之祭其他府州縣皆以長官主之長官有故則佐貳以次攝在城文官丞史武官把總皆與祭眡割牲省盞盛府州以佐貳縣以丞若史各一人糾儀府以教授訓導州以學正訓導縣以教諭訓導二人執事均用掾史贊相禮儀均於學弟子員內扶溝縣志

卷之七

秩祀

五

選充祭期牲帛器數及行禮儀節均與省會同

先農壇

大清通禮直省府州縣各建

先農壇歲以仲春亥日致祭

或用李春

省會以總督若巡撫一人主

之有故則布政使以次攝陪祀文武官及各執事人均如祭

社稷之禮先二日主祭陪祭執事各官致齋公所埽除

壇上下祭日雞初鳴執事人入設

先農神案於

壇正中南向陳礪一簋二簋二邊豆各四案前設俎陳羊一豕

一又前設香案一陳祝文香盤鑪鐙左設一案東向陳帛一尊
一爵三陳福酒胙肉於尊爵之次設洗於階下之東質明引班
引陪祭官入引贊引主祭官入通贊贊執事者各司其事贊就
位引主祭官至階下盥手就拜位立陪祭官按班就東西拜位
立均北面迎神上香讀祝行三獻禮祝辭曰惟某年月日某官
某致祭於

先農之神曰惟

神肇興稼穡立我烝民頌思文之德克配彼

天念率育之功陳常時夏茲當東作咸服先疇洪惟九五之尊

扶溝縣志

卷之七

秩祀

六

歲舉三推之典恭膺守土敢忘勞民謹奉彝章聿修祀事惟願

五風十雨嘉祥恒沐

神庥庶幾九穗雙岐上瑞頻書大有尙

饗餘儀與祭

社稷同祭畢率屬行耕藉禮 府州縣歲祭

先農主祭官陪祭官暨各執事並同

社稷祭期牲帛器數行禮儀節與省會同

禮部則例祭

先農禮畢各官咸易蟒袍補服州縣正印

官秉耒佐貳執青箱播種專城衛所正印官秉耒如無屬員

卽選擇耆老執青箱播種耕時用耆老一人牽牛農夫二人扶犁悉照九卿之例九推九返農夫終畝耕畢各率耆老農夫望闕行三跪九叩禮其農具用赤色牛用黑色箱用青色所盛籽種各從其土之宜每年所收米穀及用過粢盛數目造冊報布政司送戶部覆實

釋奠之禮

大清會典直省府州縣歲以春秋仲月上丁祭

先師於類宮正官將事佐貳分獻監禮以師儒贊引執事以生員中和韶樂羽籥之舞及牲登鉶簠簋籩豆尊爵之數將事之

扶溝縣志

卷之七

秩祀

七

儀均如大學釋奠之禮 先期一月選牛一羊二十二豕二十

二察肥瘠瞻辨毛色色尚黑

雍正三年
定用烏牛

入滌三旬前三日繕祝

版分職事前一日有司飭廟戶潔埽殿廡內外視宰官公服詣神厨視宰正獻官率各官及執事生入學習儀教官率樂舞生入學習舞習吹樂用六佾祭日五鼓陳牲帛盥盛省視如儀正獻分獻官入廟將事行禮儀節均與太學遣官釋奠同 太學釋奠之禮祭日陳福胙於殿內東案尊爵之旁加爵一設洗於階下之東禮部堂官省盥如儀承祭官拜位讀祝受福胙拜位在殿中門檻內分獻官在甬道左右陪祭官在廟庭左右均北面

司香司帛司爵在大成殿正位配位前捧福胙國子生二人立於東案之東西向接福胙國子生二人立於西案之西東向雞初鳴承祭官分獻官豫集於持敬門內致齋所太常寺贊禮郎十有四員竝於持敬門內均朝服昧爽贊禮郎二員引承祭官自左側門入又四員分引兩序分獻官又八員分引兩廡分獻官隨入至階東盥手畢詣拜位前立鴻臚寺官引陪祀官咸詣拜位序立典儀贊樂舞生就位執事者各司其事文武六佾進贊禮郎贊就位引承祭官分獻官就位立典儀贊迎神唱樂官唱迎神樂奏昭平之章樂作贊禮郎贊就上香位引承祭官升

扶溝縣志

卷之七

秩祀

八

階入殿左

門贊詣

先師香案前跪承祭官跪俯伏贊上香司香跪捧香承祭官三上香畢俯伏興以次詣四配位前跪上香儀同贊復位引承祭官復位初迎

神時贊禮郎分引東西序分獻官各一員升東西階入殿左右門詣十二哲位前跪上香退復位引兩廡分獻官東西各二員分詣先賢先儒位前跪上香均如前儀贊禮郎贊跪叩興承祭官分獻官暨陪祀官行三跪九叩禮興樂止典儀贊奠帛爵行

初獻禮奏宣平之章樂作舞羽籥之舞贊禮郎引承祭官升階贊詣

先師位前跪承祭官跪俯伏司帛跪捧篚承祭官受篚拱舉奠於案興司爵跪捧爵承祭官受爵拱舉奠於塾中俯伏興贊禮郎贊就讀祝位引承祭官至殿中拜位立贊跪承祭官分獻官暨陪祀官皆跪贊讀祝司祝跪讀祝如儀承祭官引獻官暨陪祀官均行三叩禮興贊禮郎引承祭官以次詣四配位前跪奠帛獻爵儀同復位贊禮郎分引兩序分獻官升東西階入殿左右門詣十二哲位前跪俯伏奠帛獻爵俯伏興復位均如儀引扶溝縣志

卷之七

秩祀

九

兩廡分獻官分詣先賢先儒位前奠帛獻爵儀同樂止亞獻奏秩平之章樂作贊禮郎引承祭官升階贊詣

先師暨四配位前奠爵於左如初兩序兩廡分獻畢均復位樂止終獻奏叙平之章樂作贊禮郎引承祭官升階奠爵於右如亞獻儀兩序兩廡隨分獻畢均復位樂止文舞退典儀贊飲福受胙贊禮郎贊詣受福胙位引承祭官至殿中拜位立捧福胙二人自東案捧福胙至

先師位前拱舉退立於承祭官之右接福胙二人自西案進立於左贊禮郎贊跪承祭官跪贊飲福酒右一人跪遞福酒承祭

官受爵拱舉授於左興次受酢如飲福之儀贊叩承祭官三叩興贊復位引承祭官復位贊跪叩興承祭官分獻官暨陪祀官均行三跪九叩禮興典儀贊徹饌奏懿平之章樂作徹饌畢樂止贊送

神奏德平之章樂作贊禮郎贊跪叩興承祭官分獻官暨陪祀官行三跪九叩禮興樂止典儀贊捧祝帛饌送燎有司各捧祝帛香饌恭送燎所如儀承祭官避立拜位西旁俟過復位樂作贊禮郎引承祭官詣燎所視燎畢仍引由左側門出樂止陪祀各官皆退

扶溝縣志

卷之七

秩祀

十

謹按則例不隸省會之府州縣長官正獻兩序以其貳及所屬兩廡以食餼學弟子員各一人分獻

同日致祭崇聖祠教諭正獻兩序訓導分獻兩廡皆食餼學弟子各一人分獻行禮儀節承祭官拜位在階下分獻官拜位在承祭官後讀祝拜位在殿中門檻內均北面不用樂舞凡上香迎神奠帛奠爵讀祝徹饌迎神視燎行禮均如致祭先師儀

附舊志文廟儀注

承祭官及陪祭官至戟門內

典儀唱

執事者各執其事

引贊唱

詣盥洗所酌水淨巾典儀唱 主祭官就位引贊唱 詣獻位典儀

唱 陪祭官各就位燃庭燎瘞毛血迎神樂奏昭平之章樂作引

贊唱 詣酒尊所司尊者起冪酌酒執爵者捧爵詣香案前跪典

儀唱 皆跪引贊唱 上塊香上炷香播酒叩首典儀唱 叩首引贊

唱 起典儀唱 起引贊唱 復位典儀 贊三跪九叩頭禮起樂止典

儀唱 奠帛行初獻禮分獻樂奏宣平之章引贊唱 詣酒尊所司

尊者起冪酌酒執爵者捧爵捧帛者捧帛詣

至聖先師孔子神位前跪典儀唱 皆跪引贊唱 獻帛初獻爵叩

首典儀唱 叩首引贊唱 起典儀唱 起引贊唱 詣

扶溝縣志 卷之七秩祀 十一

復聖顏子神位前跪典儀唱 皆跪引贊唱 獻帛初獻爵叩首典

儀唱 叩首引贊唱 起典儀唱 起引贊唱 詣

宗聖曾子神位前儀如前詣

述聖子思子神位前儀如前詣

亞聖孟子神位前儀如前其十哲兩廡分獻官俱如前儀引贊

唱 詣讀祝位跪典儀唱 皆跪引贊唱 讀祝文讀畢引贊唱 叩首

典儀唱 叩首引贊唱 起典儀唱 起引贊唱 復位典儀唱 行亞獻

禮樂奏秩平之章引贊唱 詣酒尊所如初獻儀復位典儀唱 行

終獻禮樂奏叙平之章如亞獻儀復位典儀唱 飲福受胙引贊

唱 詣飲福受胙所跪典儀唱 皆跪引贊唱 飲福酒受胙肉叩首

典儀唱 叩首引贊唱 起典儀唱 起引贊唱 復位典儀唱 謝福胙

贊一跪三叩頭禮徹饌樂奏懿平之章樂作引贊唱 詣

至聖先師孔子神位前跪典儀唱 皆跪引贊唱 徹饌叩首典儀

唱 叩首引贊唱 起典儀唱 起引贊唱 詣

復聖顏子神位前儀如前詣

宗聖曾子神位前儀如前詣

述聖子思子神位前儀如前詣

亞聖孟子神位前儀如前復位樂止典儀唱 送神樂奏德平之

扶溝縣志 秩祀 卷之七 十二

章樂作典儀 贊三跪九叩頭禮起樂止典儀唱 讀祝者捧祝捧

帛者捧帛各詣燎所引贊唱 詣燎所焚祝文焚帛望瘞復位陪

通唱 禮畢

崇聖祠儀注

陳設同四配 四配同十哲 從祀同兩廡

無樂餘同大成殿

孔子生日考 董豐垣

孔子生日諸儒所記不一謂孔子生於魯襄公二十一年十

一月庚子者公羊子也左傳林堯叟註主之謂孔子生於魯

襄公二十一年十月庚子者穀梁子也洪慶善闕里譜系程
登庸年表辨正吳程通考宋濂孔子生卒歲 辨主之謂孔
子生於魯襄公二十二年庚戌歲十一月庚子者史記世家
也左傳註疏釋文蘇轍古史朱子綱目及論語序金 祥通
鑑前編主之謂孔子生於魯襄公二十二年十月庚子乃二
十七日周正乃今之八月者孔子家譜祖廷廣記也羅泌路
史夏洪基孔子年譜主之愚按襄公二十一年己酉冬十月
經書庚辰朔則數至十一月無庚子曰若謂十月二十一日
以孔子生年七十有三計之當庚戌歲生壬戌歲卒其謂生

扶溝縣志

卷之七

秩祀

十三

於己酉者亦誤也史記謂生於襄公二十二年當矣然十一
月係甲辰朔亦無庚子曰惟家譜等書謂二十二年十月庚
子則庚戌歲十月二十七日今八月二十七日恰是庚子曰
總而計之穀梁得其月史記得其年公羊則年月俱失家譜
則年月俱得者也蘇撫湯公斌奉部文以蔣尹玉所上孔子
生日考行各學使各質所信嘉定學生王晉陞上孔子生日辨
疑斷以孔子生於周靈王二十一年魯襄公二十二年庚戌
歲十月二十七日庚子曰周十月夏正八月爲今八月二十
七日而斥蔣尹玉所云九月十五之說以周正考之二十一

年十一月十五是甲午二十二年十一月十五是戊午俱非
庚子其謬可知湯公據以覆部通行天下今皆以八月二十
七日爲孔子誕日曲阜率於是日致祭

陳設圖

白餅

榛栗

形菓

爵和黍稻

羊燭

正壇

爵和黍稻

牛香

爵和黍稻

豕燭

形菓

形菓

形菓

酒樽爵籩案二

祝文案一

扶溝縣志

卷之七

秩祀

十五

每位一壇

爵和黍稻

形菓

形菓

爵和黍稻

羊燭

四配

爵和黍稻

香

爵和黍稻

豕燭

形菓

形菓

形菓

東西各五壇帛篚爵五壇共設餘則每壇分設

十哲




扶溝縣志

卷之七 秩祀

十六

東西各十六壇

兩廡



釋菜上香之禮

大清會典凡直省府州縣月朔釋菜望日上香以教授教諭訓導等官分班行禮與太學同 太學釋菜之禮朔日夙興潔埽內外展神幄拂拭神案陳棗栗各一豆鑪一鐙二設案一於殿內之東陳香盤七尊一每位爵一又設案於東西兩廡之南各陳香盤三尊一每位爵一無帛筐尊實酒冪勺具司香司爵立於案旁設洗於階下之東通贊二人立於殿內東西楹又二人立於殿外東西階上皆公服質明祭酒朝服諸生吉服由大成東側門入及廟庭各就位行三跪九叩禮祭酒詣東階盥升東

扶溝縣志

卷之七

秩祀

十七

階入殿左門詣神位前跪三上香詣尊案前視注酒復詣神位跪獻爵興以次詣四配位前皆如之分獻者詣兩序兩廡如其儀降復位行三跪九叩禮 上香之禮拂拭神案燃鐙設香盤於殿內及兩廡各案司香各一人立於案前設洗於階東質明各官就位如釋菜儀司業盥升東階入殿左門詣神位前跪三上香以次詣四配位如之分詣兩序兩廡皆如之降復位行三跪九叩禮

忠義孝弟節孝名宦鄉賢

大清通禮歲春秋釋奠禮畢教諭一人公服詣祠致祭是日清

晨廟戶啟祠門拂拭神案執事人入陳羊一豕一籩四豆四鑪
一鐙二陳祝文於案左陳壺一爵三帛一香盤一於案右引贊
二人引主祭官入詣案前北面立禮生自右奉香盤主祭官三
上香訖引贊贊跪叩興主祭官跪三叩興禮生自右授帛主祭
官受帛拱舉仍授禮生獻於案上禮生挈壺酌酒實爵自右跪
授爵主祭官受爵拱舉仍授禮生興獻於正中讀祝者取祝文
跪案左引贊贊跪主祭官跪讀祝辭讀畢以祝文復於案退主
祭官俯伏興執事者酌酒獻於左又酌酒獻於右退引贊贊跪
叩興主祭官跪三叩興執事者以祝帛送燎引贊引主祭官出
扶溝縣志

卷之七

秩祀

十八

執事者徹皆退各祠致祭儀同

祭品

大成殿正位帛段一爵三勺一壘尊一犧尊一登太羹一鉶和
羹二籩稻一梁一簋黍一稷一籩榛一棗一菱一芡一脯一脩
一臠一糗餌一豆筍菹一菁菹一芹菹一韭菹一鹿醢一兔醢
一魚醢一醢醢一鼎形鹽一鹿脯一稿魚一大房牛一羊一豕
一祝版一大燭二對香案一四配無登羹籩鹽不形無祝版爵
每位一帛每位一東西各羊一豕一無牛各燭一對餘與正位
同十二哲每位酒爵一鉶和羹一籩稻一梁一簋黍一稷一籩

鹽一棗一栗一鹿脯一豆菁菹一芹菹一鹿醢一兔醢一東西
各帛段一羊一豕一燭一對兩廡東西各帛段一燭四對每位
酒爵一羊一豕一簋稻四簋黍四籩監四棗四栗四鹿脯四豆
菁菹四芹菹四鹿醢四兔醢四

崇聖祠正位羊一豕一中燭一對大燭香案一每位帛段一爵
三尊一鉶和羹二簋稻一梁一簋黍一稷一籩鹽一棗一栗一
榛一菱一芡一稿魚一鹿脯一豆菲菹一菁菹一芹菹一筍菹
一鹿醢一魚醢一兔醢一醢醢一配位東西各豕一燭一對每
位帛段一每位酒爵一簋稻一簋黍一籩鹽一棗一栗一鹿脯一
扶溝縣志

卷之七

秩祀

十九

豆菁菹一芹菹一鹿醢一兔醢一從祀東西各帛段一燭一對
每位酒爵一簋稻一簋黍一籩鹽一棗一栗一鹿脯一豆菁菹
一芹菹一鹿醢一醢醢一

樂器

摩一面金鐘十六器玉磬十六器大鼓一面搏拊二面祝一具
一具琴一張瑟一張排簫二攢笙二攢簫二枝笛二枝塤二
件全少篪二管少一節一對羽三十根籥十六根

樂舞生

佾生三十六名

樂生三十六名

外設八名

樂章

昭平之章辭曰大哉

孔子先覺先知與天地參萬世之師祥徵麟紱韻答金絲日月
既揭乾坤清夷

宣平之章辭曰予懷

明德玉振金聲生民 有展也大成俎豆千古春秋上丁清酒
既載其香始升

秩平之章辭曰式禮莫愆升堂再獻響協鼗鏞誠孚壘甌肅肅

扶溝縣志

卷之七

秩祀

二十

雍雍譽髦斯彥禮陶樂淑相觀而善

叙平之章辭曰自古在昔先民有作皮弁祭菜於論思樂惟

天牖民惟

聖時若彝倫攸叙至今木鐸

懿平之章辭曰

先師有言祭則受福四海鬯宮疇敢不肅禮成告徹毋疏毋瀆
樂所自生中原有菽

德平之章辭曰鳧繹我我洙泗洋洋景行行止流澤無疆聿昭
祀事祀事孔明化我烝民育我膠庠

祭文

先師祝辭曰維某年月日某官某致祭於

至聖先師孔子曰惟

先師德隆千聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香泮

水膠庠益致嚴於籩豆茲當仲春秋祇率彝章肅展微忱聿將祀

典以

復聖顏子

宗聖曾子

扶溝縣志

卷之七

秩祀

二十一

述聖子思子

亞聖孟子配尚

饗

崇聖祠祝辭曰維某年月日某官某致祭於

肇聖王

裕聖王

詒聖王

昌聖王

啟聖王曰惟

王奕葉鍾祥光開盛緒盛德之後積久彌昌凡聲教所覃敷率
循源而溯本宜肅明禋之典用申守土之忱茲屆仲春 聿修祀
事配以

先賢顏氏

先賢曾氏

先賢孔氏

先賢孟孫氏尚

饗

忠義孝弟祠祝辭曰惟

扶溝縣志

卷之七

秩祀

二十二

靈秉賦貞純躬行篤實忠誠奮發貫金石而不渝義問宣昭表
鄉閭而共式祇事懋彝倫之大性摯莪蒿克恭念天顯之親情
殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几筵尚
饗

節孝祠祝辭曰惟

靈純心皎潔令德柔嘉矢志完貞全閨中之亮節竭誠致敬彰
閨內之芳型茹冰蘖而彌堅清操自勵奉盤匱而匪懈篤孝傳
徽

絲綸特沛乎殊恩祠宇昭垂於令典祇循歲祀式薦尊膠尙

饗

名宦祠祝文辭曰惟

靈績媿龔黃恩深召杜烝民攸賴俎豆維馨茲值仲秋 春

理宜致

祭尙

饗

鄉賢祠祝文辭曰惟

靈名高朝宁德重鄉邦正位宮牆用光祀典茲值仲秋 春

理宜致

祭尙

扶溝縣志

卷之七

秩祀

一二十三

饗

魁星樓於丁祭後改穿蟒袍致祭陳設儀注與祭四祠同

先師誕辰雍正五年製八月二十七日王公百官致齋一日不

理刑名民間禁止屠宰

雲雨風雷山川城隍壇

大清通禮直省府州縣各建

神祇壇祀

雲雨風雷境內

山川

城隍之神歲春秋仲月諏吉致祭在城文武各官皆與省會以總督若巡撫主之若有故以布政使攝致祭之禮設案一於壇正中南向

雲雨風雷神位居中境內

山川神位左

城隍神位右案陳劓一簠二簋二籩豆各四案前設俎陳羊一豕一又前設香案一陳祝文香盤鑪鐙西設一案陳帛七尊一爵二十有一福酒胙肉陳於尊俎之次祭祀儀節祀官及執事官序位並如

扶溝縣志

卷之七

秩祀

二十四

社稷壇儀祭日有司供具執事人豫入序立引班引陪祭官入引贊引主祭官入通贊贊執事者各司其事贊就位引主祭官至階下盥手就拜位立陪祭官按班就東西拜位立均北面迎神上香讀祝行三獻禮祝辭曰惟某年月日某官某致祭於

雲雨風雷

山川

城隍之神曰惟

神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之

功幸民俗之殷盈仰

神明之庇護恭修歲祀正值良辰敬潔豆籩祇陳牲帛尚

饗餘儀節與祭

社稷同

歲孟夏後諏吉雩祭陳設儀注同前若間不雨及潦諏宜祀之

辰具祝文

隨時撰擬

備牲牢籩豆香帛尊爵鑪鐙守土大吏率屬素

服虔禱爲民請命行禮儀節與常祀同既應而報陳設供具朝服行報祀禮儀節均與祈祀同其各府州縣歲春秋諏吉致祭神祇壇主祭官陪祭官暨各執事並同

扶溝縣志

卷之七

秩祀

二十五

社稷牲帛祝號陳設器數及行禮儀節與省會同雩若祈若報並如省會之禮

關帝廟

大清通禮致祭

關帝之禮歲以春秋仲月諏吉遣官一人將事是日昧爽廟祝潔埽殿宇內外太常寺官具祝版備器陳

神位前牛一羊一豕一豮一釧二簠簋各二籩豆各十鑪一鐙二殿中設一案少西北向供祝版東設一案陳禮神制帛一色白香盤一尊一爵三牲陳於俎帛實於筐尊實酒冪勺具和聲

署設樂於西階上

器數詳見祀顯佑官禮

太常寺設洗於東階上承祭官

拜位在殿內正中司祝司香司帛司爵典儀掌燎各以其職爲位如常儀贊質明承祭官朝服詣廟贊引太常寺贊禮郎一人引承祭官由廟左門入至東階上盥手畢進殿東門詣拜位前立典儀贊執事官各共迺職贊禮郎贊就位引承祭官就位立典儀贊迎

神贊禮郎贊詣上香位引承祭官就香案前立贊上香司香跪奉香承祭官上炷香三上瓣香畢贊復位引承祭官復位立贊跪叩興承祭官行三跪九叩禮興典儀贊奠帛爵行初獻禮有

扶溝縣志

卷之七

秩祀

二十六

司揭尊冪勺挹酒實爵司帛奉筐司爵奉爵各進至

神位前司帛跪奠筐於案三叩興司爵立獻爵於案正中各退司祝詣祝案前跪三叩興奉祝版跪案左樂暫止贊禮郎贊跪承祭官跪典儀贊讀祝司祝讀祝讀畢興以祝版跪安於筐內如初興退贊禮郎贊叩興承祭官行三叩禮興典儀贊行亞獻禮司爵獻爵於左如初獻儀典儀贊行終獻禮司爵獻爵於右如亞獻儀典儀贊徹饌有司徹畢贊送

神贊禮郎贊跪叩興承祭官行三跪九叩禮興樂止典儀贊奉祝帛饌送燎有司奉祝帛香饌以次送燎如儀贊望燎贊禮郎

引承祭官詣燎位眡燎禮畢樂止承祭官及執事官皆退同日祭後殿以太常寺卿一人將事

光昭公位中

裕昌公左

成忠公右均南向位各異案每案羊一豕一鉶二簠簋各二籩豆各八鑪一鐙二殿中設案少西北向供祝版東西各設一案分陳禮神制帛三色白香盤三爵九尊三俎篚冪勺具設洗於後垣門內甬道東承祭官位殿檐下正中司祝司香司帛司爵典儀掌燎各以其職爲位如常儀質明承祭官由前左門入後垣

扶溝縣志

卷之七

秩祀

二十七

中門盥手升階就位迎

神引詣正位前上香畢以次詣左右位前上香復位行二跪六叩禮初獻讀祝如儀凡儀節均與前殿同

歲五月旬有三日致祭

關帝廟前殿

神位前陳牛一羊一豕一果實五盤鑪鐙具陳設及行禮儀節與春秋祭同同日並祭後殿太常寺卿一人行禮每案羊一豕一果實五盤典儀不贊徹饌司爵以執事生餘陳設及行禮儀節與春秋祭同

直省府州縣

關帝廟歲均以春秋仲月及五月旬有三日致祭前殿主祭以地方正官一人後殿以丞史執事以繼生祭日陳設迎

神上香奠獻讀祝送

神眡燎禮儀並與

京師祭前後殿同前殿祝辭曰維某年月日某官某致祭於

忠義神武靈佑仁勇威顯關聖大帝之神曰惟

帝浩氣凌霄丹心貫日扶正統而彰信義威震九州完大節以

篤忠貞名高三國

扶溝縣志

卷之七

秩祀

二十八

神明如在徧祠宇於寰區靈應丕昭薦馨香於歷代屢徵異蹟

顯佑羣生恭值仲

春秋

嘉辰遵行祀典筵陳籩豆几奠牲醪尙

饗

後殿祝辭曰維某年月日某官某致祭於

關帝之

曾祖光昭公

祖裕昌公

父成忠公曰惟

公世澤貽庥靈源積慶德能昌後篤生神武之英善則歸親宜

享尊崇之報列上公之封爵

錫命優隆合三世之肇禋典章明備恭逢仲春 諏吉祗事薦馨

尚

饗

文昌廟

大清通禮致祭

文昌之禮歲以二月三日暨秋仲月諏吉遣官一人將事是日
昧爽廟祝潔埽殿宇內外太常寺官員祝版備器陳設洗辨位
和聲署設樂均與

扶溝縣志

卷之七

秩祀

二十九

關帝廟同質明承祭官朝服詣廟贊引太常寺贊禮郎二人引
承祭官由廟左門入至東階上盥手畢引詣拜位前立典儀贊
執事官各司其事贊禮郎贊就位引承祭官就位立典儀贊迎
神贊禮郎贊詣上香位引承祭官入殿左門就香案前立贊上
香司香跪奉香承祭官上炷香三上瓣香畢贊復位引承祭官
復位立贊跪叩興承祭官行三跪九叩禮興典儀贊奠帛爵行
初獻禮有司揭尊冪勺挹酒實爵司帛奉筐司爵奉爵各進至
神位前司帛跪奠筐於案三叩興司爵立獻於案正中各退司
祝詣祝案前跪三叩興奉祝版跪案左樂暫止贊禮郎贊跪承

祭官跪典儀贊讀祝司祝讀祝讀畢興以祝版跪安於筐內叩如初興退贊禮郎贊叩興承祭官行三叩禮興典儀贊行亞獻禮司爵獻爵於左如初獻儀典儀贊行終獻禮司爵獻爵於右如亞獻儀典儀贊徹饌有司徹畢贊送

神贊禮郎贊跪叩興承祭官行三跪九叩禮興樂止典儀贊奉祝帛饌送燎有司奉祝帛香饌以次送燎如儀贊望燎贊禮郎引承祭官詣燎位望燎禮畢樂止承祭官及執事官皆退同日祭後殿以太常寺卿一人將事正中奉

文昌帝君前代神位南向設案一陳羊一豕一鉶二簋各二

扶溝縣志

卷之七

秩祀

三十

籩豆各八承祭官行二跪六叩禮初獻讀祝如儀餘陳設器數及行禮儀節均與

關帝廟後殿同

直省府州縣

文昌廟歲均以春秋仲月地方官躬詣致祭陳設器數行禮儀節並與

京師祭

文昌廟同祝辭曰維某年月日某官某致祭於

文昌帝君曰惟

神蹟著西潼樞環北極六匡麗曜協昌運之光華累代垂靈爲
人文之主宰扶正久彰夫感應薦馨宜致其尊崇茲屆仲春用
昭時祀尙其歆格鑒此精虔尙

響後殿祝辭曰維某年月日某官某致祭於

文昌帝君之

前代曰祭引先河之義禮崇反本之思矧夫世德彌光延賞斯
及祥鍾累代炯列宿之精靈化被千秋爲人文之主宰是尊後
殿用答前庥茲值仲春肅將時祀用申告潔

神其格歆尙

扶溝縣志

卷之七

秩祀

三十一

饗

邑厲壇

大清通禮直省府州縣歲三月寒食節七月望日十月朔日祭
厲壇於城北郊前期守土官飭所司具香燭公服詣神祇壇以
祭厲告本境

城隍之位上香跪三叩興退至日所司陳羊三豕三米飯三石
尊酒楮帛於祭所設燎鑪於壇南黎明禮生奉請

城隍神位入壇香案一鑪鐙具贊禮生二人引守土官公服詣
神位前贊跪守土官跪贊上香守土官三上香贊叩興守土官

三叩興執事者焚楮帛守土官詣燎鑪前祭酒三爵退禮畢
志載祝辭曰惟

神爵列侯伯統攝陰陽聲靈赫濯鑒觀四方旌別淑慝善惡瘳
彰天神攸賴人鬼胥匡今當霜露之降各奠祭埽之觴 彼
魂無祀於情實爲可傷伏祈幽冥普渡慈航驅使羣鬼來赴壇
場食我 稷飲我椒漿庶魂魄以妥侑免作崇於郊荒惟神惟
鬼來格洋洋

各廟

城隍神向以五月二十七日祭

扶溝縣志

卷之七

秩祀

三十二

火神廟向以正月初八日六月二十三日兩祭

真武廟向以九月初九日祭

龍神廟向以二月八月諏吉祭

東嶽廟向以三月二十八日祭

八蜡廟向以二月八月上戊日祭

劉猛將軍乾隆三年合祀於八蜡廟中

大王廟向以九月十七日祭

竈神廟向以八月初三日祭

倉神廟向以三月二十八日祭

馬王廟向以六月二十三日祭

獄神廟向以冬至日祭

純孝祠向以二八月上戊日祭

明道祠向於上丁日致祭道光八年知縣王德瑛遵省垣中丁祭遊梁祠之例改於中丁日祭祝詞曰惟

神道宗先聖學闢異端尋墜緒之茫茫表斯文之郁郁名登柏府未伸直諫之忱出綰銅章用展如傷之志清暉映世遺愛在人溯德範而難忘誦芳型於勿替茲屆仲秋春理宜崇祀

保障祠向以上丁日祭道光八年知縣王德瑛遵省垣祭程子

扶溝縣志

卷之七 秩祀

三十三

祠之例改於下丁日祭祝詞曰是邑兩值禍亂仰藉高賢運籌

決勝孤城保全功在社稷尸祝萬年茲值仲秋春謹以牲帛醴齊

粢盛庶品式陳明薦

楊公祠

馮公祠向以上戊日祭道光八年知縣王德瑛改與保障祠同

日祭

迎春

先春一日迎春於東郊演戲三劇用香案酒菓祭勾芒神畢幡樂綵亭前導次田家樂次勾芒神次春牛次各官皆輿耆老胥

吏皆騎進城遍遊四街遂至縣署勾芒先至供儀門外棚內西向各官至揖勾芒神畢列坐大堂胥役扮農夫皆荷鋤鍤又扮婦女餉饑狀繞堂三匝復演戲三二劇乃罷至立春日朝服祭勾芒祭畢各執綵杖環鞭土牛三週胥役人等將土牛擊碎

日月食

遇日食具朝服救護月食用補服今用素服

朔望

長官公服率僚屬謁各廟行禮如

制朔望之次日齊集火星廟供奉

扶溝縣志

卷之七

迎春日月食朔望

三十四

聖諭處向北行禮如

制直月生員宣講

聖諭軍民環立恭聽雍正元年奉

特旨命郡縣遴選里民六十以上齒德兼優者俾充鄉耆每逢

朔望分派四路通衢宣講

聖諭嘉慶二十五年七月知縣王德瑛奉臬憲札飭於三八放

告日期在大堂上先講

聖諭以首條與別條輪流明白講解講畢點名收詞嗣後歷任

奉行

鄉飲

正月望日十月朔日在明倫堂舉行縣令為主以致仕鄉紳有德者為大賓以年高士人有德者為介賓

以年高敦厚鄉民為耆賓以教諭訓導為司正司訓位於主官之右僚屬位於簷下以老成廩生讀誥以諳練生

員贊禮正北設香案懸誥命

儀注

前一日執事者依圖陳設坐次司正率執事習儀至日黎明執事者宰牲具饌主官及僚屬司正先詣學遣人速賓比至執事者先報曰賓至主官僚屬出迎於庠門之外以人主居東賓居西三讓三揖而後升堂東西相向立贊兩拜賓坐執事又報介賓耆老至主官又率僚屬出迎揖讓升堂拜坐如前儀既就位

扶溝縣志

卷之七

鄉飲

三十五

執事者唱

司正揚觶執事者引司正由西階升詣堂中北面立

執事者唱

賓介以下皆立

又唱

揖司正揖賓介以下皆揖執事者以觶酌酒

授司正司正舉酒曰恭惟

朝廷率由舊章敦崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄弟恭內睦宗族外和

鄉里無或廢墜以忝所生讀畢

執事者唱

司正飲酒飲畢以觶執事

執事者唱

揖司正揖賓介以下皆報揖司正復位賓介以下皆坐

執事者唱

讀律令執事者舉律令案於堂之中引禮引讀律令者詣案

前北向立

唱

介賓以下皆拱立行揖禮如觶儀然後讀律讀畢

復位者執事 供饌案執事者舉饌案至賓前次介賓次耆老三賓

以下各以次舉訖者執事 獻賓主席起北面立執事斟酒以授主

主受爵詣賓前置於席稍退贊兩拜賓答拜訖執事又斟酒授

主主受爵詣介耆前置於席交拜如前儀畢主退復位者執事 賓

酌酒賓起介耆從之執事者斟酒授賓賓受酒詣主前置於席

稍退贊兩拜賓介耆主交拜訖各就位坐執事者分左右立三

賓眾賓以下以次斟酒於席訖者執事 飲酒或三行或五行又斟

酒飲酒供湯三品畢者執事 徹饌候徹饌案訖者 賓介以下皆行

主僚屬居東賓介眾賓居西贊兩拜訖者 送賓以次下堂分東

扶溝縣志 卷之七 鄉飲 三十六

西行仍三揖出庠門而退

樂章

初歌鹿鳴之首章

次歌南山之首章

再歌湛露之首章

終歌天保之首章

鄉飲圖

三介	二介	一介	大賓	介賓	一賓	二賓	三賓
東階		正位		養正	東	象賓	西階

扶溝縣志

卷之七

鄉飲

三十七

國朝康熙二十八年知縣胡上舉行

大賓

介賓

耆賓廉生光

四十六年知縣劉嗣理舉行

大賓缺

介賓邑庠生何際禹

耆賓林以正

五十二年知縣何深舉行

大賓歲貢生盧徵良

介賓邑庠生杜之昌

耆賓朱呈秀

六十一年知縣張鐸舉行

大賓太學生盧標

介賓缺

耆賓齊之榮

養老

選士民中齒德兼隆賔於鄉以示風勵又遇

扶溝縣志

卷之七

養老 賓興

三十八

覃恩

賜老儒八品頂帶榮身七十以上者皆

賜米絹又雍正二年奉

特旨命郡縣選終身力田勤儉樸誠並無過舉之老農

賜以八品頂帶俾司耕藉牽牛以示敦本重農之至意

賓興

每大比之歲七月縣令預架彩橋卜吉具啟延應試貢監生員
宴於縣衙宴畢具鼓樂過彩橋簪花由中門送至西關外兼送
盤費會試加倍

文武童生院取回縣擇吉送學至期同赴縣堂親友爲之簪花
彩旗鼓樂前導知縣送至學宮謁

聖畢知縣與教官交拜於明倫堂令新進諸童拜見學師入學
肄業